

Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 08/12/2020

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Bildung weiderzeleeden.

D'Gesetz vum 17. Juli 2020 iwwert d'Mesure géint d'Covid-19-Pandemie, dat mam Gesetz vum 25. November 2020 fir d'lescht ugepasst gouf, gesäit am Artikel 4. Folgendes fir:

(3) Sans préjudice des paragraphes 1er et 2 et de l'article *3quinquies*, le port du masque est obligatoire pour tout rassemblement qui met en présence plus de quatre personnes, dans un lieu fermé ou en plein air.

(4) Sans préjudice des paragraphes 1er et 2 et de l'article *3quinquies*, tout rassemblement à partir de quatre et jusqu'à dix personnes incluses est soumis à la condition que les personnes portent un masque et observent une distance minimale de deux mètres. L'obligation du respect d'une distance minimale de deux mètres ne s'applique toutefois pas aux personnes qui font partie du même ménage ou qui cohabitent.

Tout rassemblement au-delà de dix et jusqu'à cent personnes incluses est soumis à la condition que les personnes portent un masque et se voient attribuer des places assises en observant une distance minimale de deux mètres.

Dës Reegele gëllen awer net an de Lycéeën. Hei kennen d'Direktioun selwer entscheeden, ob si eng Maskepflicht an hirer Schoul wëllen aféieren oder net, an d'Gréisst vun de Klassenäll erméiglecht et oft net eng Distanz vun 2 Meter tëscht de Schoulbänken ze respektéieren.

Mat der Aféierung un der A-a-B-Woch sollen d'Kontakter tëscht de Schüler vu 4e bis 2e an de Lycéeën elo awer wéinstens e wéineg reduzéiert ginn, andeems dës Schüler a Gruppen opgedeelt ginn, déi ofwiesselend Woche mat Presenzunterrescht an Home Schooling hunn. Dobäi kënnen d'Schoulen tëscht zwee Modeller wielen:

Entweder gëtt innerhalv vun *enger* Klass eng A-Grupp an eng B-Grupp zesummegeallt, déi en alternance an d'Schoul ginn, oder *zwei* Klassen huelen en alternance um Presenzunterrescht deel. Wärend beim éischte Modell ëmmer nëmmen eng hallef Klass am



Schoulsall zesumme leiert, bleibt d'Klass am zweete Modell komplett a geet just eng Woch iwwert déi aaner an d'Schoul. Egal wéi e Modell gewielt gëtt, gëtt d'Unzuel u Schüler aus de Klasse vu 4e bis 2e, *déi an der Schoul sinn*, also em d'Hallschent reduzéiert. Awer nëmme beim éischte Modell gëtt och d'Unzuel u Schüler *an der Klass* reduzéiert.

An deem Zesammenhang wéilt ech dem Minister dës Froe stellen:

1. Wéi vill Schoulen hunn sech fir den éischte Modell vun der A-a-B-Woch entscheet a wéi vill fir den zweeten?
2. Ass de Minister der Meenung, dass den zweete Modell eng genee esou gutt Hygiènesmesure ass wéi den éischten?
U wéi enge Krittäre mécht de Minister seng Argumentatioun fest?
3. Wéi vill Schoulen hunn sech bis elo dofir entscheet, eng Maskepflicht anzeféieren?
4. Ass de Minister der Meenung, dass Schüler, déi an der selwechter Klass sinn an do ouni Mask a mat manner wéi zwee Meter Ofstand zesumme sëtzen, verstinn, dass si an hirer Fräizäit e Mask müssen undoen an Ofstand halen?

Mat déiwem Respekt,



CLEMENT Sven
Député



Äntwert vum Minister fir Educatioun, Kanner a Jugend op d'parlamentaresch Fro Nr. 3260 vum honorabelen Här Deputéierte Sven Clement

Ad 1)

Véier Schoulen hunn sech fir deen éischte Modell entscheet, all déi aner fir deen zweeten.

Ad 2)

Et ass nach ze fréi, fir op d'Fro vum honorabelen Deputéierte kënnen eng wëssenschaftlech fundéiert Äntwert ze ginn. Et gëtt awer aktuell eng Etude gemaach, déi sech mam Impakt vun de Mesurë beschäftegt, déi an deene verschiddene Schoulen applizéiert ginn. Et sief awer scho gesot, datt duerch d'Absence vu ganze Klasse während verschiddene Wochen och Kllassesäll fräi ginn, sou datt a verschiddene Gebaier déi méi kleng Kllassesäll manner genotzt ginn. Allgemeng weist sech an dëser Matière, datt een deene lokale Gegebenheete muss Rechnung droen, wat eng allgemeng Äntwert op d'Fro schwéier mécht.

Ad 3) a 4)

D'Schoul ass eng Plaz, déi extrem strukturéiert ass: et ginn Horairen, gläichbleiwend Ofleef a fest Reegelen, déi vun allen Acteure vun der Schoulcommunitéit mussen agehale ginn; vill Infektione gi vu "baussen" an d'Schoul eragedroen. Dofir wier et wëschenswert, datt zum Beispill an der Fräizäit déi sanitär Reegele géifen agehal ginn; vill Enseignantë si ganz engagéiert fir d'Schüler an deem Sënn ze sensibiliséieren.

Vu datt just an dräi Schoule keng allgemeng Maskepflicht besteet, stellt de Problem, deen den honorabelen Deputéierten opwäerft, sech an der Realitéit net wierklech.